


МОЛИТВЫ  
КО ПРЕСВЯТОЙ БОГОРОДИЦѢ

НА ВСЯКІЙ ДЕНЬ СЕДЬМИЦЫ

Подвижника Нило-Сорской пустыни

**ІЕРОСХИМОНАХА НИЛА.**

Издание 3-е.



**КИРИЛЛОВЪ.**

Типографія Малькова.

**1910.**

Отъ С.-Петербургскаго Духовнаго Цензурнаго  
Комитета печатать дозволяется. С. Петербургъ,  
3 февраля 1906 г.

Старшій цензоръ Архимандритъ *Филаретъ*.

## Подвижникъ Нило-Сорской пусты- ни Іеросхимонахъ Нилъ.

Къ числу подвижниковъ Христовыхъ нашего времени по всей справедливости принадлежитъ приспомятый старецъ Нило-Сорской пустыни, Новгородской губерніи, Кирилловскаго уѣзда, іеросхимонахъ Нилъ. Недавно, въ 1870 году отошелъ въ блаженную вѣчность іеросхимонахъ Нилъ, и духовное благоуханіе святоподвижнической его жизни еще не испарилось на мѣстѣ его подвиговъ: тамъ живы еще его современники, сиотники, друзья о Господѣ, среди которыхъ сохранилось много свѣдѣній и воспоминаній о блаженномъ старцѣ, онъ и самъ оставилъ по себѣ собственноручную краткую свою автобіографію, въ которой просто и откровенно повѣствуетъ о достопримѣчательныхъ событіяхъ своей жизни. О прозорливости и благотатныхъ дарахъ старца сохранилъ въ воспоминаніяхъ своихъ Нило-Сорской пустыни монахъ Теодоръ проходившій тамъ послушаніе гостинника при жизни старца и видѣвшій черѣдко замѣчатель-

ныя проявленія благодатныхъ даровъ старца надъ посѣтителеми обители. Старець Божій, при подвигахъ духовныхъ, отличался и просвѣщеніемъ духовнымъ, былъ весьма вачитанъ, хорошо владѣлъ перомъ, имѣлъ даръ учительный, любилъ составлять молитвословія и пѣснопѣнія церковныя. Послѣ него осталось довольно поученій, писемъ, размышленій, молитвъ и службъ; всѣ эти письма для ознакомленія съ характеромъ его писательства по возможности будутъ помѣщены.

Избранникъ Божій іеросхимонахъ Ниль родился 1801 года 21 ноября, на праздникъ Введенія во храмъ Пресвятыя Богородицы, Коя усердный почитатель и служитель былъ онъ во всю свою жизнь и Которая, видимо, осѣняла его Своимъ, особымъ благоволеніемъ.

---

Молитвы къ Пресвятой Богородицѣ  
на всякій день седмицы,  
Подвижника Нило-Сорской пустыни  
ІЕРОСХИМОНАХА НИЛА.

---

**І. Въ воскресенье.**

О Всемилостивая Дѣво Богородицѣ, Мати щедротъ и челоуѣколюбія, прелюбезная надеждо и упованіе мое! О, Мати пресладкаго, превосходѣннаго и всенку любви превосходящаго Спасителя, Іисуса Христа, Челоуѣколюбца и Бога моего, Свѣте помраченныя души моя! Къ тебѣ азъ многогрѣшный и безнадежный припадаю, Тебѣ молюся, Источнице милосердія, Дѣво Маріе, яже бездну милосердія и пучину щедротъ и челоуѣколюбія рождшая; помилуй мя, воію Ти бо-

лѣзнено, помилуй мя всего уязвленнаго, въ лю-  
тыя разбойники внадшаго, и отъ одежды, въ  
пюже облече мя Отець, увы мнѣ, облаженнаго,  
Тѣмъ и лежу нагъ отъ всякаго благотворенія,  
возсмердѣша и согниша раны моя отъ лица  
безумія моего. Владычице моя Богородице, мѣлю  
Тя смиренно, воззри на мя милостивымъ Твоимъ  
окомъ и не возгнушайся мене всего помраченна-  
го, всего оскверненнаго, всего въ тинѣ сластей  
и страстей погруженнаго, люгѣ падшаго и воз-  
стати немогущаго Умилосердится убо на мя, и  
даждь ми руку помощи, воздвигни мя изъ глу-  
бины грѣховныя, о, Радосте моя! избави мя отъ  
обещедшихъ мя; просвѣти лице Твое на ра-  
ба Твоего, спаси погибающа, очисти осквернен-  
наго, возстани падшаго люгѣ: можеша бо вся,  
яко сунци Мати Бога всемогущаго. Излей на мя  
елей милосердія Твоего, и вино умиленія точити  
ми подаждь: Тебѣ бо волстину едину надежду  
стяжахъ въ животѣ моемъ; не отриши убо мене  
къ Тебѣ притекающаго, но виждь скорбь мою,  
Дѣво и души желаніе, и сіе пріими и спаси мя,  
Ходатайце спасенія моего. Аминь.

---

## II. Въ понедѣльникъ.

Отъ скверныхъ устъ пріими моленіе, о, не скверная, чистая и пречистая Дѣво Богородице! и не возгнушайся моихъ словесъ, о, Радосте моя! не призри на мя и помилуй, Мати Зиждителя моего. Во время живота моего не остави мене: вѣси бо, Владычице, яко на Тя всю мою надежду возлагаю, и все упованіе мое о Тебѣ есть. Тѣмъ и во время смерти моя предстани ми. Помощнице моя радости и сладосте моя: не остави мене тогда, надеждо моя, и не посрами мене тогда Вѣмъ бо, вѣмъ, Дѣво, яко многихъ грѣховъ повипенъ есмь, окаянный, и трепещу помышляя часъ оный; но, Радосте моя, яви ми тогда лице Твое, удиви на мнѣ милость Твою, Ходатаице спасенія моего, изми мя, Владычице, отъ лютои бѣсовскія, и страшнаго и грознаго испытанія воздушныхъ духовъ, и злобы ихъ избави, и всю тогдашнюю скорбь и печаль на радость преложи, Твоимъ просвѣщеніемъ. И сподоби безбѣдно прейти ми начала и власти тьмы, и достигнути поклонитися на престолѣ славы сѣдѣющему Христу и Богу нашему, со безначальнымъ Его Отцомъ и Пресвятымъ Духомъ, во вѣки. Аминь.

### III. Во вторникъ.

О, Пресвятая Владычице моя Богородице; Ангеловъ и Архангеловъ, Харувимовъ и Серафимовъ пречестнѣшая и всѣхъ святыхъ пресвятѣйшая, Дѣва Мати Божія! спаси мя смиреннаго и грѣшнаго раба твоего: Ты бо всеси, всемилостивая Госпоже, яко всю мою надежду по Бозѣ на Тя возлагаю, и нѣсть ми инаго прибѣжища спасительнаго, токмо Ты всеблагая: Ты моя крѣпость, Владычице, Ты моя и сила, Ты мое радование въ скорбѣхъ, Ты мое пристанище во искушеніяхъ, Ты мое исправленіе въ паденіяхъ, Ты и спасеніе мое всенадежное, о, Мати Зиждителя и Господа моего! Помози ми, плавающему въ пучинѣ житія сего, лютѣ обуреваемому и бѣдствующему отъ потопленія грѣховнаго. Дажь ми руку помощи, Помощнице моя, и избави мя отъ тменія глубины, да не погрязну въ безднѣ отчаянія: буря бо грѣховъ и страстей возста на мя, и волны беззаконій погружаютъ мя. Но Ты, милосердная Мати, въ пристанище безстрастія настави и спаси мя, безнадежныхъ Надеждо и Ходатанце спасенія моего. Аминь.

---



#### IV. Въ среду.

Богородице, Ты еси упование мое Ты ми еси стѣна и благонадежное пристанище и спасительное прибѣжище, утомляемому страстей находящей Спаси мя отъ всѣхъ врагъ моихъ, гонящихъ душу мою и ловящихъ ю различными искушеніи: на пути бо семь, по немуже хожду, многія стѣны сокрыша ми; многія соблазны, многія неудобства, многія многія прелести, многія немощи душевныя и тѣлесныя. уловляютъ мя въ паденія грѣховныя. И уже азъ, окаянный, впадохъ въ стѣны вражія, и связанъ и держимъ есмь ими: и что сотворю, отчаянный азъ, недоумѣю. Аще бо восхощу покаяться, нечувствіемъ и ожесточеніемъ одержимъ есмь; аще же плакати понуждаюся, не имамъ сокрушенія сердечнаго и слезъ ни поне единыя капли. Увы, окаяинства моего! улы, бѣдности моей! улы лишенія моего! Къ кому убо прибѣгну прочее повинный азъ? токмо къ Тебѣ, благоутробная Мати Господа и Спаса нашего, ненадежныхъ надеждо, стѣно и покровѣ къ Тебѣ притекающихъ! Не отрини убо мене сквернаго: Тебѣ бо едину въ жизни моей стяжахъ утѣху, Дѣво Маріе Богородице, и къ Тебѣ единѣй во всякой нуждѣ прибѣгаю со

дерзнованіємъ: не остави убо мене въ жизни сей и во время смерти моея предстани въ помощь, Помощнице моя, да узрять Тя вси врази мои и постыдятся, Тобою побѣжденніи, Владычице, Ходатаице спасенія моего. Аминь.

---

## V. Въ четвергъ.

Кто Тебѣ по достоянію ублажити можетъ, Пресвятая Дѣво, кіи уста воспѣти способны Твое величіе, всякъ смыслъ превосходящее? Вся преславная о Тебѣ содѣянная таинства, Богородице выщи смысла и слова суть; красотѣ дѣвства Твоего и пресвѣтлой чистотѣ твоей удивившаяся Херувимы и ужасошася Серафимы; чудесе бо рождества Твоего нетлѣннаго ни человѣческой, ни ангельской языкъ изрещи можетъ. Отъ Тебѣ бо безъ лѣтній единородный Сынъ Божій, Богъ Слово, неизреченно воплощся, родился и съ человѣкомъ поживе, и Тя, яко Матерь Свою, зѣло возвѣличи, Царицу Тя всея твари показа, намъ же извѣстное спасеніе пристанище. Гѣмъ вси подъ кровъ Твою притекающіи, различнымъ скорбями и болѣзнями одержиміи, приемятъ отъ Тебѣ богато утѣшеніе и исцѣленіе, и Тобою отъ бѣдъ спасаются: Ты бо еси воистину Мати всѣхъ скорбящихъ и

обремененныхъ, печальныхъ радость, больныхъ глѣнительница, юнымъ хранительница, старости жезлъ, праведныхъ похвала, грѣшныхъ спасенія надежда и къ покаянію путеводительнице: всѣмъ бо всегда предстательствомъ Твоимъ помогаеши и всѣхъ заступаеши, Всеблагая, прибѣгающихъ къ Тебѣ съ вѣрою и любовію. Ты и мнѣ помози, отчаянному дѣяній моихъ ради, Заступницѣ усердная рода христіанскаго, заступи мя, да не доконца погибну во грѣсѣхъ, ибо на имамъ иного прибѣжища и покрова, развѣ Тебѣ, Владычице Мати Живота, неостави убо мене и не презри мя, но имиже Сама вѣси судьбами, спаси мя, яко благословенъ еси во вѣки вѣковъ. Аминь.

---

## VI. Въ пятокъ.

Тебѣ предаю въ защищеніе животъ мой, и по Бозѣ всю надежду спасенія моего на Тя возлагаю, Владычице Дѣво Богородице. Молю Тя, рабъ твой, не призи мя многія грѣхи имущаго, но виждь скорбь мою о семъ и недоумѣніе и подаждь ми ослабу и утѣшеніе, да не до конца погибну. Прости десницу Твою Чистая, изми мя отъ тменія дѣлъ моихъ,

и постави на чистую пажить заповѣдей Христа, Царя и Бога моего, да творю я присно, Тобою укрѣпляемъ. Отъ грѣховъ моихъ лютыхъ избави мя, Владычицѣ, и покаяніе спасительно мнѣ ниспосли, къ Твоему Сыну и Богу матернимъ ходатайствомъ Твоимъ. Свѣтъ неизреченный воссіявшая, просвѣти мою тьму душевную, отъ грѣховъ ей прибывшую. Радосте моя, избави мя отъ обманувшихъ мя невидимыхъ враговъ: грѣхи бо мои мнози и тяжки суть, врази мои люты зѣло, смерть близъ, совѣсть моя мя обличаетъ, геенна огненная устрашаетъ, червь не усыпаемый, скрежетъ зубный, тартара тьма кровопіиная, въ тренеть мя приводятъ, ибо ожидаютъ мя пріяти, злыхъ дѣлъ моихъ ради. Увы мнѣ! что сотворю тогда и къ кому прибѣгну, да спасена будетъ душа моя! Къ Тебѣ единѣй, сладкая Маріе Богородицѣ, услаждающая на Тя уповающимъ горѣсть смерти, и избавляющая зывающихъ къ Тебѣ отъ лютыя геенны. Ты и мнѣ помози. Всеблагая, неимущему тогда иныя помощи, токмо Тебѣ, Всепѣтая. Спаси мя отъ ужасовъ смертнаго часа и лютости тогда бѣсовскія, спаси мя отъ власти духовъ злыхъ на мытарствахъ воздушныхъ по смерти; яви, молюся Тя, яви ми тогда пресвѣтлое лицо Твое, Владычице, и не остави мя безпомощнаго. О, милосердная Мати! пріклонися на милость къ мнѣ лишенному милости отъ дѣлъ моихъ, и умоли

его же родила еси плотію Христа, Спасителя и Бога нашего, насъ ради на крестѣ пречистую кровь Свою изліявшаго, да и азъ причастникъ буду заслугъ Его крестныхъ предъ Отцомъ Его Богомъ, и ихъ ради получу грѣховъ прощеніе и вѣчное спасеніе и прославлю неизреченное милосердіе Твое Богородице, и Твое милостивое предстательство въ безконечные вѣки. Аминь.

---

## VII. Въ субботу.

Радуйся, Дѣво Богородице, пристанище и предстательство убогія души моея, надеждо сладкое спасенія моего! Радуйся, радость отъ Ангела приѣмшая въ благовѣщеніи имѣющаго воплотитися отъ Тебѣ Бога Слова! Радуйся, всѣхъ Зиждителя въ Твоихъ ложеснахъ носившая! Радуйся Бога плотію родшая, міру Спасителя! Радуйся, въ рождествѣ дѣвство нетлѣнно сохраняющая! Радуйся, отъ волхвовъ дары приѣмшая и поклоненіе ихъ отъ Тебѣ родшемуся видѣвшая, и пастырей преславная о Немъ слова слышавшая и въ сердцѣ Твоемъ слагавшая! Радуйся, отрока Іисуса, Сына Твоего и Бога во храмѣ, среди законоучителей, обрѣтшая радостно! Радуйся, болѣзни лютыя во страданіи, крестномъ распятіи и смерти Сына Твоего, пресладкаго Іисуса, испытывавшая,

воскресеніемъ же Его тридневнымъ обрадованная свѣтло! Радуйся, воспесеніе Сына Твоего и Бога, со ученики Его, во славѣ небеснѣй видѣвшая! Радуйся, отъ Него ниспосланнаго Духа Святаго, въ горницѣ сіонствѣй въ видѣ огненныхъ языковъ нисшедшаго, со ученики Господни приѣмшая! Радуйся, на землѣ ангельски пожившая! Радуйся, чистою и святынею вся ангельскія чины и всѣхъ святыхъ лики превосходяща: Радуйся, возвеличенная славою, пришествіемъ къ Тебѣ Сына Твоего и Бога; Радуйся, Того святымъ рукамъ душу Твою радостно предавшая! Радуйся, славно превознесенная Твоимъ на небеса съ тѣломъ восшествіемъ! Радуйся, по представленіи Твоемъ боговидцомъ Апостоломъ въ третій день являющаяся! Радуйся, на небесѣхъ отъ Отца и Сына и Духа Святаго діадимою вѣчнаго царствія увѣчанная: Радуйся, отъ всѣхъ небесныхъ силъ приснопѣваемая! Радуйся, близь престола Пресвятыя Троицы на престолѣ славы возсѣдающая! Радуйся, Бага съ чловѣки примиренія виновнице! Радуйся, небесными и земными господствующа Царице! Радуйся, яко ничто же невозможно есть Твоему ходатайству! Радуйся, яко вси вѣрно къ Тебѣ притекующіи спасаются! Радуйся, яко Тобою скорбящій утѣшеніе болящій исцѣленіе, бѣдствующіи благовременну помощь получаютъ! Молю убо Тя, обрадованная Владычице, потреби и во мнѣ

печаль грѣховную и даждь ми радость спасенія, даждь ми слезы утѣшительная умиленія всегдашнее, покаяніе истинное и исправленіе совершенное. Не возгнушаюся мене, Владычице, попріими милостиво сіи гласы радостныя, мною убогимъ Тебѣ приносимыя, и предстани ми въ помощь во время безпомощія моего, въ часъ страшный оный, егда разлучитися иматъ душа моя отъ окаяннаго моего тѣла; тогда молю предстани ми въ помощь и избави мя, повиннаго во грѣсѣхъ, наказанія за нихъ вѣчнаго, не явлюся радованіе бѣсовъ и пища геенне огненнѣй. Ей, Владычице моя, непусти узрѣти души моей страшнаго и грознаго прещенія и истязанія демонскаго, грѣшникомъ уготованнаго, но предвари и спаси мя раба Твоего въ часъ оный ужасный, да славлю Тя во вѣки едина надеждо моя и Ходатаице спасенія моего Аминь.

---